

Oye kpodo onu winwlan Willem Vinktɔn

# Yesu wε nyi Klisu la

EMε XENI NO ƉOLI EGBE LA




## E gɔn mɛ wɛ nyi...

**Biblu:** Biblu wɛ gɔnmɛ wɛ nyi wɛmayɛ. Le Biblu mɛ, yɛ nɔ xlɛ susu xɛna Mawu ɔɔ do ɛgbɛtɔyɛ wu kpodo walɔ xɛna e nɔ zan do va yi yɛkɔn.



**Dona:** Onu nywɛ-nywɛ zɛtɛyɛ xɛna Mawu jlo na na ɛmɛ xɛyɛ ni nɔ wasi onu xɛna e jlo yɛ.



**ɛɔɛ xixɔ:** O na lo oxo kpodo Mawu, tanyɔ le onu bo nyi mɛ alo kpodo axwa, a bo mɔ ɔɔ oto-e.



**ɛfɛnu:** O hɛn, o na yi onu xɛna Mawu ka na wɛ nɔ. E na kpɛwu jɛ e ji, ɔɔ Mawu sɔ onu nyanyla tɔwɛyɛ sɔ kɛ wɛ, ɔɔ Yesu yi oto dindɔn tɔwɛyɛ do ɛɔɛ ji.




**ɛgbɛ Mawɔmawɔ:** A nɔ ɛgbɛ kpodo Yesu ɔɔ jlo na Mawu jlo ɔɔ ha. Yɛ o ɔɔ o le oku ji, vivɔnu ko mɔ le nɔ.

**ɛwɛn Nywɛ:** ɛwɛn Nywɛ la wɛ ɔɔ jlo na ɛwɛn nywɛwɛlantɔyɛ wlan ɛwɛn nywɛyɛ le Biblu la mɛ ɔɔ ha (Matyɛ, Maki, Lwiki, Jan).



**ɛwɛndotɔyɛ:** ɛwɛndotɔ gbɛgbɔmɛtɔn Mawutɔnyɛ.

**Finɔn sɔn oku:** Yesu fɔn sɔn oku. Azan ɔɔkpo le, ɛmɛ zɛtɛyɛ bo na fɔn sɔn oku. Le hwɛmɛnu la wɛ Mawu na ɔɔ kojo na ɛmɛ ɔɔkɛkɛ.



**Gbɛgbɔ Kinkwɛn:** Mawu wɛ Gbɛgbɔ xɛni jlo na nɔ ɛmɛ xɛyɛ ni na kplɔ Yesu do yɛ mɛ, wɛ e nyi.

**Mawu wɛ Xɔluɔɔɔɔ:** Ofi ɔɔkɛkɛkɛ xɛna yɛ nɔ gbɛ se otonu na Mawu le, xɔluɔɔɔɔ etɔn nɔ le blɛ.

**Mɛsya:** Heblegbɛ mɛ wɛ e le, e gɔnmɛ bo nyi 'Xɔlu xɛna yɛ si ami na', le glɛkɛgɛ mɛ, e bo nyi 'Klisu'. Yesu Mɛsya la wɛ yɛ mɔ nɔ yɔ tun Yesu Klisu la.

**Onu nyanyla:** Onu xɛyɛ na yɛ nɔ wasi kpan ɔɔkɔn Mawu wɛ. Na mɛ wa onu nyanyla, mɛ nɔ gbɔn akpa na onu xɛni dɔn na Mawu do ɔɔ mɛ.

**Onukplanvi:** Yesu wɛ kplɔdotɔ wɛ. Yesu la ɔɔtɔ can yɛ ɛmɛ wɛwɛ.

**Otinsoga:** Odanwanu xɛ ji na Yesu yi ogbɛ bo ku do wɛ. Otinsoga la trɔ zun josido na ɛmɛ xɛyɛ ni kplɔ Yesu do nɔ yɛ.

**Satana:** Kɛntɔ Mawutɔn xɛna ɛmɛ ɔɔɔn nɔ kɔn wɛ (Yɛ mɔ nɔ yɔ-ɛ tun lɛgba).

**Titɔ va:** Hwɛxɛnu na Yesu na lɛ okɔ va nyixɔ ji, onu ti ɔn mɔ le lena e le ɔɔ nɔ. Mawu na na na jɛnukunsin kpodo nyixɔ kpo na trɔ zun onu yɔyɔyɛ.

**Vivayi wɛ oxwɛ:** Oxwɛ mɛ la ɔɔɔɔ hwɛnu wɛ yɛ nɔ ɔɔɔɔ Yesu wɛ finɔn sɔn oku wu le. Azan mɛ la gbɛ kɛ wɛ Jwɛfuyɛ nɔ ɔɔ vivayi wɛ oxwɛ yɛtɔn. ɛhwɛsɔkɛ? ɛmɛ ɔɔɔn jɛ na ɛhwɛsɔkɛ ganke Mawu nɔ sɔ ɛhwɛ sɔ kɛ ɛmɛ. Hwɛxɛnu na onu xɛna o wasi la vɛ na wɛ tanu o bo jlo na ɔɔli jijo oxoɔɔɔ, hwɛmɛnu wɛ Mawu nɔ sɔ ɛhwɛ sɔ kɛ ɛmɛ. E na kpɛwu jɛ e ji, ɔɔ Yesu yi ogbɛ otodindɔn mɛtɔnyɛ bo jɛ e ji.

**Xɔsɛ:** O ɔɔ kandeji tun Mawu bo nɔ wasi onu xɛna e lo.

**Xwɛtɔ la wɛ onuɔɔɔɔ:** Kɔnɔnɔ kpodo vɛn wɛ onukplanvi Yesutɔnyɛ nɔ do ɔɔɔɔ oku kpodo finɔn sɔn oku etɔn wu.

**Yesu:** Mawuvyɛ la wɛ nyikɔ wɛ. E gɔnmɛ wɛ nyi 'Mawu nɔ hwɛn ɛmɛ gan'.



## YESU WE HWENU

Hwenu míaτων, e βε le hwexenu na ye ji Yesu, e bo wasi oxwe akpo owe (2000) mαsinha. Le hweme la nu, na emeye ka yi omα ji nα, ye nα zαn afα alo ye sα osαkpotαnα, osαkete alo osα. Le hwemenu le Izrayeli emeye o je onu xixle ji alo bo o nα wlan onu nα. Ye nα yα ye tun 'wema we otogun'.

Le wema me la me, okancica Xixo la (Xeni nyi Akpa tantyan bo mα nyi akpa dαxo na Biblu la) Mawu lα oxo. Mi we nyi onu zete ye dαtα. E jlo na nyi hadwe na eme zete ye. Yesu bo de oxo me la gαnme le Okancica Yαyα la me (Mi we nyi akpa owego na Biblu la).


## ONU LE NYI YESU KLISU LA?

Oxwe akpo owe (2000) ha xen Yesu nα Izrayeli we oto me. Mí nα yα-ε tun Yesu Mesya la alo Yesu Klisu la. E gαnme we nyi tun e nyi Xαlu. Vα e αn nyi xαlu de kpoηu. Yesu la ye nα yα-ε tun 'Mawuyε' alo 'Egbetαvyε' e gαnme we nyi tun e nyi Mawutαn bo mα nyi egbetαyetαn. Yesu we egbe we gbexo, ye lα-ε le Biblu la me. Gbexo me la we oxo ye nα lα le ogan dekpekpe me.





## IZRAYELI LE YESU WE HWENU



**Ototahõnnu:** Jeluzalemu

**Kansinye:** Galile, Samali, Yude

**Kikækemæ:** e tun ma yi 28 000 km<sup>2</sup>


**Jehõn xe ha ñumyo xeni nõ xo:** jehõn la nõ xo ozo, a bo xu, oganxixo ðeye bo nõ nyi oju we ganmæ, a bo le ojle mæ.

**Otoxolilõ:** Hlõmatõye we kpa ece le Izrayeli we oto mæ be sõn oxwe kanðe oko ñukun atõn gbõxwe Klisu va va.

**Otokpikplõ:** Põnsu Pilati we nyi otokplõto Hlõmatõn xeni kpa le Izrayeli le hwemenu, Tibæe bo nyi oga etõn. Emyõ we nyi xõlu ðaxo hlõmatõn le hwemenu. Oxwe kanðegban le Yesu we viva godõ, hlõmatõye gbidi Jeluzalemu.

**Sinsæn:** Yudatõye we sinsæn. Ye ðõ Mawu we oxwe le Jeluzalemu, ovõsantõye nõ lo wasi odan hamæ-hamæye nõ na sinsæn yetõn, osenkplan-emetõye (ðj Falizitõye) bo nõ kplan osen emæye nõ (Okancica Xixo la).

**Ogbeye:** Heblegbe (Jwifuye we ogbe) Glækigbe (oto zætæye we ogbe) Latengbe (Hlõmatõye we ogbe).



Kpon! Ele jɔ na eme susu me ye do le ototo?



Mi jla miade do! Mawu we xoluɔdu gbɔn no zaande.



Mi ɗɓli jijo miaton.




Ɖo, ye o jla ovyala ɗo, a do gbo okyɔnye na otin laye...




ko lo lo na mi no tun : Otin ɗekpekpe xeni on syen okun nywe no, ye na gbo-e a bo so-e flen do ozo me.




Fifi ɗe, e le mi ɗo na wa? Onu le na kpewu zan egbe mime?



Le oxojɔxo me, eme ti on kpewu na si na Mawu we kojodido. Eme ɗe xeni ɗo hɔnhɔn hugan mo na va je godo na-a a bo va, emyo, Gbigbo Kinkwen we e na do le Mawu we esin na mi.




Mi je egbe yoyo zinzan ji! Mi do josi-i tun onu nywe wiwa bo on le mia me. Mi na na ye a le Mawu we esin na mi, mi ba do ɗe xle tun heye bo ɗɓli jijo.





E me la we na nyi josi tun miye bo lo kan egbe yoyo zinzan no.

Mawuxolɔɔ xeni lo lo oxo ɔo mɔsinha nɔ le otɔsisa to la, nɔ nyi Jan Mawu we esinlena-emetɔ...

Emɛ xeni le godo na-a bo gbɔn nɔ, e ɔo hɔnhlɔn hugan mɔ. Emyɔ, Gbigbo Kinkwen kpodo ozo wɛ e na do le Mawu we esin na mi, e bo na ɔpli mi sesese. Nyiko etɔn nɔ nyi Yesu.



E mi la mɛ...





Myɔ wɛ ɔo na le Mawu we esin na mɔ.



Mi wɛ ogbe ɔe ɔi sɔn sɛxwe...

Emɛ xe la wɛ nyi ovi vena-vena tɛye, emyɔ wɛ nɔ do jijwɛ na-a.



Oo! Le Mawu we esin na-a, na Mawu we ojlo a do nyi wiwasi.



Otɔ! Ojlo tɔwe ni nyi wiwasi xɔluɔɔ tɔwe ba va!



Oxwe akpo owe (2.000) ha xɛn, Jan Mawu we esinlɛna-ɛmɛtɔ jla Klisu la we viva ɔɔ. Le Hwemɛ la nu, Izrayeli we oto la le Hlɔmatɔye we ɛɛɛ kpikpa gɔ.



Jwifuyɛ we otogun ɔn ɔɔ hɔnhlɔn ɔɔ, ye bo zin ye ji nɔ gannu-gannu, Ye bo lo tre kpɔn Klisu we viva xɛ we oxo na Mawu we ogbedɔtɔye lo la nɔ. Emyɔ la wɛ na na na Mawu we onu jijwɛ wiwasi na ɔɔ oji.

Le Judɛn we otɔto Jan Mawu we esinlɛna-ɛmɛtɔ sɔ Yesu sɔ xlɛ ɛmɛye.



Mi kpɔn! Mawu we Lɛngbɔvi xeni nɔ sɔ onu nyanyla sɔ kɛ ɛgbɛtɔ zɛtɛye xɛn.



Le Mawu we esin lile Yesutɔn godo, Mawu we Gbigbɔ kplo Yesu do yi zogbeji.

Le ozan kande kpodo oklo kande gblamɛ, Yesu ɔn ɔɔ onu ti. Hwexenu na e lo xo ɛɔɔ nɔ, e yi ɔɔdɛxlɛ cɛɔɔ-cɛɔɔ do odan ɛtɔn wu.



A do kpewu wasi-i, e ɔɔ na ɔɔ xlɛ tun Mawu we tito bɛ bo nyi tun ye a hwɛn ɛmɛye gan le oku we ɛɛɛ gɔ.

E ɔɔ na fun ahwan kpan njukɔn Satana, vuvlu mɛ we oga xena ye ɔn nɔ kpɔn la, emyɔ wɛ kpa ɛɛɛ le ɛgbɛ la mɛ fifi gbɔn oku kpodo onuhengble ji.



ɛɛn, Otɔ! Ko jlo na wasi ojlo tɔwe.



Vɔ, kɛntɔ la tɛn Yesu kpɔn a do dɔn-ε tɛ le odan etɔn wu.

*E nyi na o nyi Mawu we ovi dododo, be bo ɔe ogbe na εkpen mε ye, na ye a trɔ zun kpɔnɔ.*

Oo! Ɖo, e le winwlan le Mawuxo la mε tun mɔ: “Onuɔuɔu ɔɔɔyo jan hen εgbɛɔ na ɔu a do nɔ εgbɛ, vɔ, oxo ɔεkpekpe xeni nɔ gbɛ tɔn sɔn Mawu we onu mε wε nɔ hen εmε do εgbɛ.

*Na o nyi Mawu vye, zɔn sɔn oxwe xe we oxɔ ta, e zɔn le winwlan le Mawuxo la mε tun εwendotɔye na hen we wεε?*

*Fifi kpɔn...! Do onu odo na-a, a bo sɛn-ɔ, ko bo na sɔ εcε kpikpa nyixɔ la ji tɔn zɛtɛye sɔ na we.*


Mi wε Satana jo Yesu do na oganxixo ɔe, Mawu we εwendotɔye bo je ote sɔn sɛxwe a do va wle obyo ni-i.

Oo! Ɖo, e le winwlan le Mawuxo la mε tun mɔ: ká tɛn Xwetɔ Mawu tɔwe kpɔn.



Dun yi le wu ye Satana! Ɖo, e le winwlan le Mawuxo la mε tun mɔ: “Xwetɔ Mawu tɔwe wε o na do onu odo na, emyɔ ɔokpo gee wε o na sɛn.”

E mε godo, Yesu xena Gbigo Kinkwen go, lekɔ sɔn yi Galile, kansin xeni le otagbe mε, le ofi xena e hwen le, εmεye bo go ofi la tarɔ. Le omɔ ji, εmεye va bo do e wu, ye bo kan onudwe nɔ a do nyɔ-ε tun emyɔ wε nyi Klisu xe we oxo na Mawu we ogbedotɔye la jaa.

Le kana, le Galile we otó viviye  
me, ye wasi alowiwe no...




Yesu le ble can, kpodo ono  
kpodo hadwe eton deye.





Yesu bε odan etɔn wiwasi le Galile, e bo lo lɔ Mawu we Xɔluɔɔɔu la we oxo nɔ le agbanugba, le oɔɔɔɔɔɔɔɔ we ogletoxo oviide mε, ye bo nɔ yɔ ofi la tun Kapenawumu.



Piyε! Dɔn otɔjihun la do yi nɔkɔn le ofi xena otɔ la tito le, o ba da oɔɔ tɔweye.

Ble la we e can onukplanvi etɔn tantyantɔnye le.



Emεɔaxo, mί nɔ zanɔute, bo da oɔɔ gbɔɔn ganke, mί ɔn kpewu wle ohwe ti kanɔukonu.

Vɔ xena e nyi tun myɔ we lɔ mɔsinha...



Vɔ! E...e hu onu ke!!!





Mi va! Jaki!  
Jan! Mi va!  
Mí ɔn wle  
ohwe  
dɔdɔdɔ xe  
ha le egbe  
míatɔn me  
kɔn.



Xwets, dun yi le  
wu ye, dɔ onu  
nyanylawats we  
ko nyi.

Piyɛ, ká mɔ vɔ, dɔ bɛ sɔn egbe,  
egbetɔye wɛ o na nɔ kplɔ va na-a dɔ  
lena o nɔ wle ohwe dɔ ha.



Mi va, a bo kplɔ-ɔ do, na ma sɔ mi do  
wasi emɛ xeye ni na nɔ kplɔ egbetɔye va  
na-a dɔ lena mi nɔ wle ohwe dɔ ha.



Mi kplɔ-ɔ do!




Yesu dan gbɔn Galile we kansin la zɛtɛye mɛ nɔ kpodo onukplanvi etɔnye. E lo jla Mawu we Xɔluɔɔɔ nɔ. E gɔ adɔn na adɔnnɔye nɔ, e nya gbigbɔ nylakanye nɔ, bo wasi ɲudandonuyɛ nɔ. E kpaca do emɛ susu, ye bo kplɔ-ɛ do. Ye sɔn kansin ɔɔkpekpe kpodo Jeluzalɛmu xeni nyi Israyeli we ototahɔnnu mɛ.




Nyɔnɔnɔye wɛ nyi emɛ xeye ni nyɔ-ɛ tun heye bo nyi ayanɔye, ɔɔ, Sɛxwe we Xɔluɔɔɔ la nyi yetɔn.


Nyɔnɔnɔye wɛ nyi emɛ xeye na ɛgbɛ jijwɛ zinzan we xovɛ kpodo kɔmyɔ ci nɔ ye, ɔɔ, gomi na va gɔ ye!



Nyɔnɔnɔye wɛ nyi, emɛ xeye ni fan avin nɔ fifi ye, ɔɔ Mawu na va fa akɔn na ye.



Nyɔnɔnɔye wɛ mi na nyi, le hwexenu na ye na dovɔn mi do mɔ wu ye. Mi kpɔn jijwɛ, a bo zɔn jɛ ote, ɔɔ ale ɔxɔ ɔɔ lo tre kpɔn mi nɔ le sɛxwe.





Mi wε dɔn, onu ɔkpekpe xena mi jlo tun εgbεtɔye boo nɔ wasi na mi, miye can mi nɔ wasi-i na ye.



Vɔ, mɔ ko lo lo na mi nɔ tun mɔ: εmε ɔkpekpe xeni kpɔn nyɔnu ɔe bo jlo, e o do afo ogbe kpo-e le oji etɔn mε.



Mi yi owan na kentɔ miatɔnye, a bo nɔ xo εɔe do ota na ye.

ηukunsin wε nyi zogyan na agbaza. Na ηukunsin tɔwe le nywεɔe, be agbaza tɔwe la seηu bo na ɔu kinklen we εgbε. Vɔ, na ηukunsin tɔwe ɔn le nywεɔe, be agbaza tɔwe la seηu can le vuvlu mε.




Mi wasi onunyε le hwihwlatɔn e ko nyi tun na εmεye a do kpɔn mi hen.



Emε ti ɔn kpewu na sɔ odan na xwεtɔ owe o. Mi sɔ ɔkpko le Mawu kpodo oho mε.




Mi ká mɔ lo onu do swε xeni gbɔn nɔ wu o. Je ηukɔn, mi kan Mawu we Xɔluɔɔu, e bo na sɔ onu gbokpweye sɔ na mi do e ji.



Mi wasi onu xena ko lo lo na mi nɔ. Mi wε εgbε miatɔn na lido ɔi oxɔ xena ye gba do εkpɛn ji ha, e ko leɔi oxɔ xena ye gbá do gudu mε ha nɔ.

Gbedokpo, le Kapenawumu, emeye va kpli bo leto do oxwe xe gbe na Yesu le...

Mí ɔn kpewu na gbɔn emɛ susu gbagba mɛ ye mɛ.



Na mí gbɔn oxɔta dɛ?

Na ye lo tun mɔ: "O kpɔn sisɔke na onu nyanyla tɔweye" alo "Site a bo zɔn zɔnlin," nuko le fa hugan dɛ?



E mɛ dɛ, o se?

E kɔn aɔn do Mawu wu nɔ!

Mawu dɔkpo gee wɛ na kpewu sɔ ehwe sɔ ke emɛ.



Ɛle lo jɔ nɔ?

Jo ye do. Hadwe mɛ ye dɔ xɔse diin.



O kpɔn sisɔke na onu nyanyla tɔweye.



Ko lo lo na mi nɔ tun, Klisu la bo dɔ eɛe a do sɔ onu nyanylaye sɔ ke emɛ. E hen, e na mɔ lo na emɛ tun site, a bo sɔ okpɔn tɔwe a bo zɔn zɔnlin.





Onu le na kpewu kan do e ji?


Kpɔn! Ko na kpewu zɔn zɔnlin... ko zɔn zɔnlin nɔ!

E zɔn zɔnlin nɔ!

Ἦ, ἐμε ζετεύε τῶν υἱοῦ τοῦ Ἰησοῦ τοῦ ἀδελφοῦ τοῦ κυρίου ἡμῶν, οὗ ὁ πατήρ ἡμῶν ἀπέστειλεν ἵνα ἡμεῖς ἀκούσωμεν τῆς ἀληθείας τῆς ἐπισημασθεῖς ὑμῖν ὑπὸ τοῦ κυρίου ἡμῶν.



Kpɔn dahwe ɔ me alɔ kpɔlɔbo na. Mí ɔo ece bo na do wa onu nywe alo bo na do wa onu nyanyila le gbɔjwezangbe?



Dren alɔ tɔwe.



Ko kpɔn adɔngigo!




Mí ɔo na kpa kpo dahwe me.

Mí a ɔo afo afo ji na sinsenga Jeluzalem tɔnye tun e bo ble otogun la ɔu nɔ.

Adjí wle emeye nɔ taru...Yesu ɛ le ye kɔn emyɔ kpodo onukplanvi etɔnye bo dɔye ɔtsjihun me le Galile we ɔto la ji.



Xweto! Va go alɔ na mí! Mí ka ku nɔ!






Ɛɛ jɔ mi do vo nɔ? Bɔɛ xɔse miatɔn la le?






Oda ni do!  
Bo onu!



Ye lo gli do ago na  
πεε. Mi we kponu...



HIAhhhhhh!

...dahwe ɔe xena gbigbo nylakanye  
do hannu na no va ton...




Oo! Eeee...

Yesu gbɔn no!



Be... Myɔ we  
nyi Yesu la!



Yesu, Mawu  
ɔaxo vye, eie  
o jlo na-a?

Myɔ gbigbo  
nylakan, ton le  
dahwe xe me!




Nade le ye  
no yo we?


Ahwankpo,  
ɔo mi su.



Jo mi do na mi  
a dye ohaye me  
ye me.

Mi va  
son!






Ko lo lo na mi no tun mo: mo nuto on kpewu na wasi onu de le diye nu. O o, ko on jlo na wasi onu xena ko lo kan no, va, eme xeni do-o dodan we ojlo we ko na wasi.




Yesu no son yi azoga a do va yi xo ede.




Mosinha we, xena e xo ozan me we ede de va, e can onukplanvi eton weve. E bo don ye dodan ofi dekpeke le oto la me, owe-owe, bo na ye ece do hnhlon nyanylaye kpodo adanye ji.



Piye kpodo Andle, novi-novi we ye nyi...




Di Jaki kpodo Jan ha...



Filipu kpodo Natanayeli can...


Toma kpodo Matye (Matye la bo nyi takwejoto saa na hlomataye).



Tade kpodo Jaki bu.



Na do yi vivonu, Simo ehwe yi do ota na ototo kpodo Yuda Isikalystu.




Mi yi! Emē xeni yi mi, e yi mō. Mi wē, emē xeni yi mō, e yi emē xeni ɔo-o ɔdan.



Ejinukun susu wē le ye bo na ɔe, vɔ odanwataye on su, mi ɔe kuku na xwetɔ xetɔn ni nyi ejinukun laye, tun ni boo mō ɔo odanwataye ɔdan na ye a do va yi ɔe ejinukun laye va.

Onukplanvi weve laye lekɔ gbɔn kpodo jijwe taru do odan xena ye va yi wasi wu. Yesu jlo na va yi ci azɔga kpodo onukplanvi laye kpo, vɔ otogun la on ni-i gbɔjwe ti kanjukonu.



Ozan do, vɔ Yesu bo mɔ gbɛ kpɔtɔ lo kplan onu emeye nɔ, bo go adɔn na emeye nɔ...

Filipu, bɔ lɛ mɪ na kpɔn  
kpɔnɔ susu le a bo xɔ,  
na emɛ ɔɔɔɔɔɔ mɛ ye?

Ohogan sandi owe,  
ɔn kpe nɔ can!

Hwanjavi ɔ le bwe, bo ɔ kpɔnɔ  
atun kpodo ohwe owe. E vɔ!


Mi ma ye do  
kandewo-kandewo, ye ba  
xlɔn onyi sonu-sonu.

Yesu do ɛkpe na Mawu...

E ma kpɔnɔ laye kpodo  
ohwe laye, gomi bo go  
ye emɛ zɛtɛye.



Mosinha we Yesu na onudu  
egbetu akpo nenu-nenu do...



Mi a so-e do do xolu.

Eme xe la we nyi Klisu  
xeni do na va la.

Mi kpon! Ye be  
xeni dron na ye  
on du ye, e bo  
go jaxwi weve.



Mi a lo na eme laye na ye a son yi oxwe  
yetanye gbe, e me godu mi ba son yi ago  
de la ji kpodo otajihun la. Mo, ko na mo no  
bwe le otó xe la ji a do xo ede.






Eme susu jlo na so Yesu so do xolu, ye do le omokpinkron me tun e na nya hlomatoye xeni va yi oto yeton. Vo eme xeye ni site do e wu bo no lo oxo nyanyla do e wu no ye lo su do e ji no. Ye no lo so-e do kron afoku no, bo do emeye no na ye a do hu-i.



Onukplan-emeto, son ogan nuko me le o le bwe?

Krono xena ko na mi we don na, mi do kan-a no?



Mi ka no lo onu do onudu xeni na gu we ota me, vo, mi kan xeni no no onyi gbwon do yi Egbe Mavomavo.



Mo we nyi krono xeni no na egbe mavomavo. Agbaza teye we ko lo so na no, na egbetoye a do kron egbe.



Nade le dahwe xe, na so agbaza eton so na tun ye boo du do?

Oklens we oxo me e lo lo no!

Mi on jlo na son di eme gbokpweye ha wee?



Mi a son!

E ble eme susu laye du no. Mi va!



Xweto, onu de le mi na son yi? Myo siwe we Egbe Mavomavo we oxo la le.



Emeye mɔ site do Yesu wu nɔ tanju. E le le Galile we kansinmɛ. Onukplanvi nyɔnusiye kpodo n̄sunglo d̄eye bo kplɔ-ε do, e mɔ va yi d̄o n̄jukɔn yi yi le odan etɔn mɛ le Izrayeli we kansin bu ye mɛ.

Galile

Jeluzalemu

Izrayeli




Zaand̄e fifi, e na kpan n̄jukɔn Jeluzalemu.




Onu le emeye nɔ lɔ tun ko bo nyi?

Emɛ d̄eye nɔ lɔ tun myɔ bo nyi Mawu we ogbed̄oto.

Le omɔ la ji...



Miye d̄e?



Onu le mi nɔ bu-i tun ko bo nyi?



Myɔ wɛ nyi Klisu la, Mawu vye la.




Mi ká mɔ lɔ-ε na emeti. Klisu la d̄o na yi Jeluzalemu a do va yi d̄u aya, a bo ku. Vɔ onyihinhɔn atɔngɔ gbe etɔn, e na tɔn sɔn yɔdo mɛ.

Jeluzalemu we toxo godo we ye no kan jagudaye do otinsoga ji le. Ehweḍiḍo we otodindon nyanya we e nyi, hɔmataye bo no wasi-i.



Na eme de jlo na kplɔ-ɔ do, e do na gbe onu le ede wu, a bo ko otinsogagban eton.

Do, eme dekpekepe xeni jlo na hwlen egbe eton gan, na bu-i. Vo eme dekpekepe xeni na bu egbe eton do mo wu ye, na kpɔn-ε.



Mi nyɔ-ε tun Mawu dokpo gee jan we le.

Xeni le viveḍe la we nyi tun mi na yi owan na Xweto Mawu miaton kpodo hɔnhɔn miaton blebu a bo mo yi owan na mia hataye di miye nɔtaye nɔt ha.




Le Yesu we hwenu, okpodonnye we gletoxoye le. Okpodon la bo nyi adon nyanya de. Okpodonno laye no no azoga na eme xeye ni on je adon me la ye.



Na okpodonno laye va yi no, ye do na le axwa nu a do do afo afo ji na eme gbokpweye a bo do axwa no tun ma.

**Ko on me!  
ko on me!**



Yesu! Onukplan-emeto!  
Kron donjodunu na mi.






Mi va yi so miade so xle ovcantaye.



A yi ovcantaye kon... Na ye a do glo mi kon we?

Mi na kon adongigo we?



?

!



Εεν! Adongigo.



Mi kon adongigo!

Mi va!



Aleluya! Mawu nychwyan! Ekpe!



Mi eme owo laye senju hen kon adongigo we? Bole eme ecenne gbokpwe laye le? Be ye can on do na do ekpe na Mawu we?



Site! Adongigo dodyo hen xcse tawe hen va na we, vo o kon hwlangan can.

Jwifuye we oga xeye ni le Jeluzalemu ye dɔn emeye dɔdan na ye do cɔ Yesu nɔ. Ye ɔn yi ogbe na onu xena e wasi nɔ ku laa.

Ɖo Yesu nɔ yi eme xeye ni nɔ zan egbe nyanylaye kɔn, kpaɔnɔye, kpodo takwejɔɔ xeye ni nɔ wa odan kpodo hlɔmatɔye...

Klisu la va, a do kan eme xeye ni bu ye, a bo hwlen ye gan.




Yesu gɔ adɔn na adɔnɔye, le gbɔjwezangbe can.

Adɔn tɔwe ni gɔ!



E nɔ yi vikpeye kpodo owan yi yi.

Mi jo vikpe laye do na ye a va kɔn ye, ɔo Mawu we Xɔluɔɔɔ la nyi eme xeye ni le ɔi vikpeye ha tɔn.





Ye yɔ Yesu tun ni boo va Betani le gletoxo ɔe xeni tekpo Jeluzalemu me. Laza je adɔn. Emyɔ kpodo nɔnye nyɔnusiye, Mata kpodo Malya bo nyi Yesu we hadweye. Xena Yesu va va Batani la, Laza o ku, ye bo ɔi-i sɔn onyihinhɔn ene gbɔɔn...



Xweto, na o do le bwe saa we, nɔnye ɔn ku nɔ.



Mata! Nɔnwe na fɔn sɔn oku.



En, ko nyɔ-ε tun e na va fɔn sɔn oku le finfɔn sɔn oku hwenu le azan kpotwi la gbe.



Mɔ we nyi finfɔn sɔn oku, bo mɔ nyi egbe la. Emɛ xeni kan do ji ye, e na nɔ egbe. Mata o kan do oxo me la ji?





En, Xweto, ko kan do e ji tun myɔ be bo nyi Klisu la, xeni ɔo na va egbe la me.




Bɔle mi sɔ-ε sɔ ɔo?

Va na va kpɔn, Xweto!







Otogaye we ayixa mɔ hlu do e ji nɔ tanu do lena emɛ susu lo kplɔ Yesu do ɔo nɔ wu.



Dahwe mɛ lo wasi nɔdandonu susu nɔ.

Na mɛ ɔn ɔo-e te, hlɔmatɔye na site kpan nɔkɔn mɛ.

Ye na gba sinsenɔ mɛatɔn la a bo vɔ okun na otogun mɛatɔn.

Be mi bo bu ota mɛ! Na emɛ ɔokpo gee ku do ota mɛ na otogun la, e na ɔe ale na mi hugan tun otogun la seɔu a vɔ okun?




Yesu mɛ la ɔo na ku.

Be ɔn hwemɛ la nu, Jwifuye we sinsengaye lo kan ayixa nɔ a do sɔ Yesu sɔ jo na Hlɔmatɔye. ɔo yee ɔoɔyo we ɔo ece bo na do gbo oku we ehwe na emɛ.



Le hweme la nu, ye lo du oxwe de no ganji le Betani...




Malya!



Va...celu me oho blebu we.



Sa be ye do na so sa a bo ma oho la na ayanoye o!




Jo-e do Yuda! E hen celu me la wu na gbegbe xena ye na so-so do yagun me!

Vivayi we oxwe lo tekpo na, eme susu  
gbagbagba bo va yi Jeluzalemu.



Jwifuye we ogaye lo wasi tito  
na a do wle Yesu. Ganke e bo  
dye toxo la me.





Xena Yesu va, eme susu xo asikpe n-i na...

Gigo na Izrayeli we xolu!

Xwua!! Ee!!


Ozana!



Kanfu na eme xeni gbon na le Xweto Mawu la we nyiko me!




Jeluzalemutoye, e do nyi tun miye can o do nyo lena mi na hen do, a do kpom fifa le egbe wee, vo mi ko jlo.



Onu xeni jo na xe on kpedo mia wu.

Eme zeteye we do odun bo va ekon.

Jeluzalemu we sinsenxo la me, we Jwifuye no wasi sinsen yeton le tanu.



Le vivayi we oxwedudu la me, ye no so lengboviye do san ovo.



Ye no wasi ovosinsan la we akpade le sinsenxo la me na Mawu, na Mawu la a do so onu nyanyla yetonye so ke ye.



Va de, ovosinsan nuko le na kpewu tun okan na egbetoye le onu nyanyla yetonye me?







Le Mawu we oxwe la gbe, emeye no lo sa onu no, a bo ce oho no, aja yetonye bo lo yi nukon no.



Le ajiji me, Yesu dye Mawu we oxwe la gbe...





Mawu we oxwe ɔ na nɔi eɔeoxwe, vɔ miye bo va sɔ do wasi jagudaye we okplityɔn!




Dahwe me, danuwato we e nɔi. Vɔ eme zeteɔye bo lo ɔ oto-e nɔ!



Mi ɔ na kan ayixa ɔ gbɔɔn a bo bu omɔ nu ni-i.






Mí a wa εε a bo wle-e a bo hu-i.

Vɔ e ɔn nɔi oxwe la hwenu nɔ, mí ɔn ɔo na hen hunnya-hunnya va.



Na ko sɔ Yesu sɔ jo na mi ɔe, nɛmu lɛ mí na na-a?

Yuda wɛ, bo nɔi εmɛ ɔokpo le onukplanvi etɔnye mɛ!




Ko na sɔ Yesu sɔ jo na mi!



Mí na tu ohogan ogban na we, oho xena ye nɔ do xɔ kanumyɔ.



Azan kpotwi laye gbe, gbɔxwe na ye na ɔu vivayi we oxwe la, sinsengaye site do Yesu wu ganke, e bo lo oxo na eme laye no le Mawu we oxwe la gbe. Piye kpodo Jan na va yi so vivayi we oxwe we lengbovi la do da onuduɔu la.



Le hwedo, Yesu kpodo onukplanvi weve laye va yi kpli le toxo la me, na vivayi we oxwe we onuduɔu la.





E o jlo-o nɔ tanu tun ma  
ɔu Vivayi we oxwe we  
onuɔɔɔu xe la kpo mi,  
gbɔxwe a je ayaɔɔɔu ji.




Otogaye nɔ kpa na otogun  
yetɔnye gannu-gannu vɔ le mia  
me, ni ká nyi ɔo mɔsinha.




Vɔ na eme ɔe jlo na nyi  
eme ɔaxo le mia me, ni  
nyi odansɔvi miatɔn.



Ko le mia me ɔi  
odansɔvi ha.








Mi nɔ wasi ɔ  
lesinha a bo nɔ do  
ɔɔɔdo wu ye...




Mi yi! xe la we  
nyi agbaza tɛye.

Na mi yi owan na  
mianɔniye, emɛ zɛtɛye na  
kɔn onu je e wu tun miye  
bo nyi onukplanvi tɛyee.



Mi nu ven xeni le kɔkpo xe  
mɛ! E xe la we nyi ehun tɛye  
xena ye na kɔn ɔɔni do  
ota mɛ na mi. E xe la we nyi  
Mawu we Okancica Yɔɔ  
xena e wasi kpodo mi.



Mi kɔn ko lo na mi osen  
yɔɔ nɔ: mi yi owan na  
mianɔniye ɔi lena ko yi  
owan na mi ɔ ha.



Xwɛɔ, ko na xo do we a do yi ofi  
ɔkpekpe. Ko na sɔ egbe tɛye  
can sɔ na do ota na we.



Piye, gbɔxwe goklo na  
do atan, o na gbɛ-ɔ  
zɔn atan kpetyo.

Ozan o do diin, mi we Yesu kpodo onukplanvi wedokpo laye le le toxo la me. Yuda ko le kpo ye...

Mo, ko na jo mi do, vo Didaye na so Gbigbo Kinkwen so dodan mi e bo na kpedo mia wu a bo le kpodo mi tegbe.

Ofi xena ko yi no, mi nyo omo la.

Mo we nyi omo la, oxojoxo la, kpodo egbe la. Emu ti on kpewu na yi oto la kon na e on gbun ji ye.

Mi no ble. Ko ka va yi xo ede le ble daan no.

Oto, e na do kpewu je e ji we, don vivesise xe la te le wu ye.

Ganke ka wasi onu xena ko jlo vo wasi ojlo towe.



Mi ɔn kpewu na nuzɔn kpo-o na oganxixo ɔkpɔ tete can? Mi site, mi kpɔn emɛ xeni lo sɔ-sɔ sɔ jo na la o va!



Emɛ xena ko na kisi na la, emyɔ wɛ! Mi wle!



Xwɛɔ, ko do ogbe na wɛ!

Yuda, osi wɛ o na ki na Klisu la a bo do sɔ-ɛ sɔ jo?



Xwɛɔ, mɪ a xu onu emɛ wɛ?



Oo! Mi ká wasi-i!



Ye wle Yesu bo dɔn-ɛ do sɔn. Onukplanvi laye zɛtɛye jo-e do bo si sɔn.

Mi wε ye kplε Yesu la do yi Mawu we ovsantɔye we oga xeni nyi Jwifuye we otoga kɔn. Piyε kpodo Jan bo le dindyɔnnu daan bo do kplε ye do nɔ.



Piyε dye oxwe la gbe.



Be myɔ can o ɔn nɔ zɔn kpo-e wεε?



Ani!! Ko ɔn nyɔ-ε gbɔxwe e do glo can!

Myɔ o le εmε etɔnye mε ma!




Gbeɖe!

Myɔ, Galileto we o nyi, o le ye mε!


Oo, ko ta onu!







Ye kplɔ Yesu yi Hlɔma we otokplɔtɔ Pilati kɔn. Jwifuye we otogaye bo do ehwe ni-i nɔ bo do otogun la nɔ.



O ɔn se ehwe ɔɔɔɔɔɔ me ye na ye do na we nɔ wɛɛ? Lɔ oxo!



Ko ɔn kɔn onu nyanyla ti sɔn e wu. Na ye ka gbe ɔu vivayi we oxwe nɔ, mɪ nɔ ɔe ogantɔ ɔkpo tɔn-ɛ. Le Balabasi kɔdo Jwifuye we Xɔlu me, onu le mi sɔ?



Ελε ο wa?

Ko va a do ɔe kunu na oxoɔxo la.



Fifi ɔe, ele nyi oxoɔxo la?





Balabasi!

Balabasi!



Ελε ko na so Jwifuye we Xolu la do wa?

Kan-ε do otinsoga ji!

E so ede do do xolu!

E so ede do do xolu! Na o jo-e be o on mo nyi Seza we hadwe.



Balabasi, o je diwe si! Myo we ye so bo jo Yesu do.

Ye jo Balabasi xeni le ogankpa me do eme xena e hu le ogu finfon hwenu wu.



..., 37, 38, 39!



Dahwe xe we oku on le oko na-a.



Mi do ogbe na we, Jwifuye we xolu!



Dahwe la xen!

Kan-ε do otinsoga ji!

Kan-ε!

Kan-ε!



Pilati na ogbe ye, na ye a do kan Yesu. Emε kinkan do otinsoga ji, okuhwe nyanyla tanu gbigbo na emε we e nyi. Yesu ntu kɔ otinsoga etɔn bo gbɔn Jeluzalemu we toxo me va yi.



Ofi xena ye nɔ kan emε do otinsoga ji le la, le toxo la godo, ye bo nɔ yɔ-ε tun Golugota e gɔnme we nyi takya we tenxo.



Ble la we sɔja laye kan Yesu do otinsoga ji le.





Onu xena Yuda wasi la va ve ni-i.




Ko wa onu nyanyla.



Ko so eme xeni on wa onu nyanyla de so jo, na ye a do hu-i.



Ŋuko le kan miye le e me! E kan we!



Ye kan Yesu do jaguda owe we dodome.

Oto, so ehwe ke ye, do, ye on nyo onu xena ye lo wasi no.

Pilati na na ye kan tekpo viđe do otinsoga la we jigbe, ye bo wlan: "Yesu, Jwifuye we xolu" do e ji le ogbe vovwe atɔn mɛ.



Yesu gbɛ ahan xeni nɔ ɔe vivesise drɔn nunu.



Sɔjaye wasi ovoɔɔiđe bo do ma onudido etɔnye.




O hwlen emɛ buye gan!

Na o nyi Mawuvye be bo je ote le otinsoga la ji!



Myɔ nɔto hwlen diwe gan, a bo hwlen miye can gan.

O ɔn nɔ vɔ Mawu wɛɛ? Miye, otodindɔn xeni je na mɪ, we mɪ lo yi nɔ, vɔ, emyɔ ɔn wa onu nyanyla ti.



Ɖɔɔɔdo wu ye, le hwexenu na o na va va ɔi xolu ha.

Le oxojoxo mɛ, ko lo lo na we nɔ, le egbe, o na nɔ aha na-a le gbojwe tenxo adodwe la.



Le ogan weve me mcsinha,  
zandozeve hen vuvlu va  
nyixc la ji seju.



Malya, Yesu onc kpedo Jan xeni nyi  
dokpo le Yesu we onukplanviye me  
bo le aha na otinsoga la.

Fifi, mi tro zun  
ovi kpedo onc.



Mawu teye,  
Mawu teye ele jo  
na o do jo-o do?

Komyo  
ci-u nc...




Otc, ko sc gbigbc teye  
sc do alc me na we.



Onu zeteye  
vc...



Yesu ku le hwedo ogan atɔn me mɔsinha. Soja ɔkpo tɔ kanhwan dajame ni-i, esin kpodo ehun kpo bo kɔn: e me la we ɔe xle tun e bo ku.



Winwlan Kinkwen laye lo tun mɔ: "E le ɔi lengbovi xena ye kplɔ yi olanhutyɔn nɔ ha".



Do onu nyanyla mɔatɔnye wu, ye do afɔku-i bo gble ewu ni-i, vɔ fifi e ku.




Emyɔ we nyi Klisu xeni ɔo na va la?



Mí a va yi byɔ oco etɔn na mí a so va yi ɔi-i.



Jozefu xeni sɔn Alimate kpodo Nikodemu kɔ Yesu we oco. Ye si ami hwennywe do-e bo butu-i do avɔ yɔyɔ ɔe me bo va yi ɔi-i do yɔgun xena Jozefu la ta ɔo onyi me, bo bli ekpe daxo ɔe do tu e nu.








Le gbɔjwezan la godo,  
nyɔnusi ɔye le lutu me  
bo yi yɔgun la to.



Ye bli ekpen la te!



Ele jɔ mi do kan eme xeni le  
egbe, le eme kukuye me nɔ?  
E fon sɔn oku, mi va yi lo-e  
na onukplanvi laye.




Xena nyɔnusi laye lekɔ  
vɔ, Piye kpodo Jan do  
odun bo yi yɔgun la to.



Ele... Ele jɔ?



Toto...  
Toto  
sesese...!



Le gbegebe me la, onukplanvi owe xeye ni le lutu me ye lo lo oxo son onu xeni jo la zete ye wu no, yee kpodo omu zonto de xeni va bo do ye wu.

Mi on no kan do Mawu we ogbedido ye ji we? E on le winwlan tun Klisu la do na du aya a do dye gigo eton me we? Onu me ye zete ye o le winwlan son xoxo gbzon!



Hwexenu na ye lo du onu no, eme xena ye jo la bu zndokpo.

Yesu we!



trolo trolo, ye leko son yi Jeluzalemu bo va yi kpon onukplanvi gbokpweye.

Mi kpon Xweto la!

Malya kpodo Piyee can...



Haju zndokpo...

Fifa ni no kpodo mi!





Mo nuto we ma! Mi kpon abo teye, mi kpon afo teye!



Xweto teye, Mawu teye!

Le onyihinhon kande  
gblame, Yesu ze do nume  
na onukplanvi etonye.  
Gbeto sandi atun (500)  
kpon-e. Gbedokpo le  
hwexenu na onukplanvi  
deye lo da odo no...





Piyε, o yi owan na-a oxojoxo?



Yesu kan oxo mε la Piyε se zɔn atɔn.



Εεn Χwετɔ, o nyɔ-ε tun ko bo yi owan na we.

Be kpe ηukunsin do lεngbɔ tεyee wu.



Kplɔ-ɔ do.

Ye sɔ εεε ɔkpekpe xeni le sexwe kpodo nyixɔ ji sɔ na-a. Mi yi, a bo sɔ otogun zεtεye do wasi onukplanvi tεyee, mi le Mawu we εsin na ye le Otɔ la, Ovi la, kpodo Gbigbɔ Kinkwen we nyiko mε. Onu xena ko kplan mi zεtεye, mi kplan ye na ye a zɔn do e ji.



Mi ba nyɔ-ε tun ko le kpodo mi tεgbε, gbɔɔn do yi εgbε la we vivɔnu.

Xena Yesu lɔ oxo mε laye vɔ, Mawu kɔ-ε do sɔn yi sexwe. E na trɔ va dji lena e lɔ ɔo ha a do va ɔo kojo na εgbεtɔ zεtεye...


Yesu sɔn, onukplanvi etɔnye bo tre le Jeluzalemu bo do xo eɖe nɔ. Mi we Gbigbo Kinkwen je ye ji. Mawu we Gbigbo xeni le Yesu me la ke we le onukplanvi etɔnye me fifi. Gbigbo la so ye do wasi egbetɔ yɔyɔ kpodo kunnudetɔ Yesu Klisutɔn ye.

Oku ɔn kpewu na hen Yesu hu. Mawu fɔn-e sɔn oku. Yesu we nyi tantyan xeni dye gigo Mawutɔn me.



Ye site kpan nɔkɔn onukplanvi laye tanju ganke ye bo nɔ yi ofi dekpɛkepe.

Yesu, we nyi Mawuvye la.



Oxo la, ye jla-e le oxojjla we wemaye can me.

Emyɔ nɔtɔ be onu nyanyla miatɔnye do eɖe ji le agbaza me bo do yi otinsoga ji, mi we dɔn na mi do jo egbe nyanyla zinzan do, a bo do kpewu zan egbe xeni na jeru na Mawu.



Le egbe la zeteye me, eme xeye ni xo do Yesu ye nɔ kpli a do xo eɖe a bo xle Mawuxo. Ye nɔ du kpɔnno a bo nu ven a do doɔnu do Yesu we oku wu. Ye nɔ de owanyiyi xena Mawu so do oji yetɔnye me, so xle yɛnɔniye.

Tito xena Mawu wasi do  
egbetɔ ji ce dogbɔn Yesu ji.



Yesu yi owan na we. Do  
ekpe ni-i a bo sen-ε.



Do, Mawu yi owan na egbetɔye  
tanu bo sɔ Ovyε akogo la sɔ na,  
na emε dekpekpe xeni na kan do  
e ji, ko mɔ do crɔn nɔ, vɔ e ba  
krɔn Egbε Mavɔmavɔ.

WILLEM DE VINK

## BIBLU

Yesu we gbexo le Biblu la mε. Wema δε οη le na ye xλε hugan Biblu. Wema xe με na wema hame-hameye le we e nyi. Oxwe akpo dokpo sandi atun we (1500) ye so do wlan wema με laye. E wasi oxwe akpo dokpo sandi ecenne (1900) ha xen, Biblu la nyi winwlan vα. Le Biblu la με gbexo vovweye le bo lα oxo do lena Mawu nα wasi odan le egbetoye we egbe με δο. Yesu we gbexo δε xλε cece-cece εμε xe ha ηumyo na Mawu nyi.


## YESU WE GBEXO

Le Biblu με, wema ενε we le bo lα oxo do Yesu we egbe wu. Wema με laye nα nyi 'εwen nywe ενε laye'. Εμε xeye ni wlan wema laye we nyikoye we ye δο na wema laye. Ye εμε zeteye senju bo nα egbe le Yesu we hwenu.

**Matye:** Yesu we onukplanvi dokpo we e nyi. Takwejoto we e nyi. Walα xena Yesu zan do yi Izrayeli vikpeye kαn we oxo we e lα tanu.

**Maki:** Hwanjavi tanu we e nyi le hwexenu na Yesu wasi odan etαn. E wlan onu susu do ηudandonu xeye na Yesu wasi ye wu.

**Lwiki:** Doto we e nyi. Emyα la ηuto αn nyo Yesu. E wlan onu do walα xena Yesu nα zan do yi εmeye kαn wu.



**Jan:** Yesu we onukplanvi dokpo ke we emyo can nyi. E δε εμε xena Yesu nyi bo so xλε. Yesu, Mawu we e nyi, e bo va tro zun egbetα a do hwlen εmeye gan le onu nyanyla yetoye με.




## YESU WE JIJI


Malya wε nyi Yesu onɔ. Hwexenu na e yi Yesu la we gomi, e ɔn ɔe osu, alɔ ji bε e mɔ le. Mawu we tito wε e nyi na ye a do ji Yesu. Ɔudandonu mε la, ye wlan-ε ɔo onyi xoxoxo le wemaye mε, gbɔxwe ye va ji Yesu la. Kanlinsu ɔe hen Yesu nyi na ye do ji-i, e ko nyi ovi gbɔn ovo ɔe. Kanlinye we okpwe mε wε ye ji-i le, ɔo ye ɔn kpɔn tɛnxo ni-i le jonɔyityɔn.

## YESU WE ƆUDANDONUYE

Yesu wasi Ɔudandonu susu. Le Biblu la mε, adɔngigɔ xeye na Yesu wasi ye bo lo ye, e hugan kanɔe. Yesu gbɔn Ɔudandonu mε laye ji bo do ɔe xle tun he bo ɔo hɔnhlɔn. E bo jlo na kpedo emeye wu a bo do na na onu a nyo na ye.



## OKU KPODO FINFON SON OKU YESUTON



*Elé dón na Yesu do ku tanu? Ye de e gónme le Biblu la me.*

Đoto! Emé zetéye nɔ wasi onu nyanyla ganme-ganme. Onu xeye na Mawu ɔn yi owan na ye we, e bo nɔ hen adji alo dɔɔdɔnu me ninɔ va ni-i. Onu me laye, ye nɔ yɔ ye tun onu nyanylaye. Do onu nyanyla me laye zetéye wu, egbetɔ ɔn mɔ kpewu na nyi Mawu we hadwe. E me la we dón na Yesu do va egbe la me. Emyɔ we yi ogbe na ye a do dón oto ni-i do onu nyanyla míatɔnye wu e ko gbé, otodindɔn me la we nyi oku. Do oku xena Yesu ku wu, omɔ hun na mí a do dje okancica me kpodo Mawu. Be onu nyanyla míatɔnye do na ve na mí. Xena Yesu ku godo, Mawu fɔn-e sɔn oku bo ni-i egbe. Dogbɔn e me la ji, Mawu de xle tun e bo do hɔnhlɔn hugan oku.

Fifi Yesu le egbe bo le Mawu kɔn. Xena e nyi tun e le egbe, e hen e na nyi hadwe míatɔn gbɔɔn do yi. E jlo na kpedo mía wu le egbe ninɔ míatɔn me, Mawu ba do kpɔn jijwe do mía wu.

### ΕΔΕ ΧΙΧΟ

*O jlo na trɔ zun Mawu we hadwe? Onu nyanyla xeye na o wasi va yi ye, ye lo ve na we nɔ fifi? Be bo xo ede do lesinha:*

*“Mawu dɔmenywenɔ, O yi owan na-a.*

*O sɔ Yesu ovi tɔwe ηutɔ-ηutɔ, bo sɔ na.*

*E ku le otinsoga ji do ota na onu nyanyla zetéye xena ko wasi.*

*Onu nyanyla xe zetéye na ko wasi ye, e ve na-a. Sɔ ke-ɔ.*

*Ekpe na we Mawu, do Yesu le aha na-a.*

*Ko jlo na nyi tɔwe.*

*Kpedo wu ye na ma zan egbe xeni na jɛɲu na we.*

*Nɔ kɔn ye tegbe.*

*Ekpe na we tun o se ede tɛye nɔ.*

*Onu xe we ogbe na o xo, o nɔ wasi-i.”*

# MYO KPODO YESU

Yesu we gbexo la on va honyo. Yesu o trɔ zun eme susu gbagbagba we hadwe. E on nyi le saa dodyo hen ma, va gbɔɔn do yi we. Egbe la va hun nyakunsin le egbe, na eme de na yi omɔ ji fifi, e on ma nyi osoketeye, osokpotonye alo osyɛ hen e na so, va e no do ohun alo jehonmehun. E me laye on nyi onu bu le nyume na Yesu. E hen e na le aha na we di lena e nyi do le Izrayeli vikpeye we hwenu ha. Ye on no kpon-e, va lena e jo do saa la perepe ke we. Le egbe fifi can, e jlo na nyi hadwe xena ye na no do oto a bo yi owan na.

O jlo na ma nyo onu susu do Yesu la wu kpo do lena o na no egbe kpo do-e do? Be bo wasi onu xe:

1- **Je Biblu la xixle ji myo nyu.**

(O hen, o na be son Lwiki we wema ji)

2- **Je ede xixo ji**

(E gonme we nyi tun a lo oxo kpo do Mawu a bo no do ote-e).

3- **Lo Yesu we oxo kpo do Biblu we**

**oxo kpo emeye.** Yesu jlo tun eme xeye ni kan do e ji ye, a no va kpli do okpo, a bo ma do kplan onu susu buye do e

wu.

*Oye kpo do onu winwan Willem de Vink ton we.*

*Eme xeni do ece do wema la ji © 1993 Stichting Wereldtaal, Houten, Pays-Bas.*

*Nshelande we ogbe me we ye wlan-e le bo na oxota la tun "Jezus Messias".*


*Le Saxwegbeme (Le Bene) ye trɔ va wlan-e le © 2024*

*Oto dekpekepe do ece bo na do trɔ wlan-e do ogbe yeton me, a bo wasi-i e ba so ogbe perepe,*

*E na no omɔ me a bo sogbe do osen nu, eme xeni do ece eton xen BY-SA license*

*e mail: jmpbk.app@gmail.com*

*<https://www.jesussmessiahcomicmedia.com/benin>*



*Yesu Klisu la: Wema xe la ɔ Yesu we odan xena e wasi kpataklitɔn  
kpodo hɔnhlɔn kpo sɔ xle mí. Ye sɔ oxogbe xena ye na kpewu se e gɔnme  
do wlan-ε, εμε ζετeye ba do κρον onu je e wu, vɔ e sɔ ogbe tutu kpodo  
Mawu we oxo la. Oxo xe nyi oxo vivesɔ le εγε xe we gbexo με, e ko vɔ do  
ble, e mɔ lo yi e ji nɔ gbɔɔn do va je egbe.*



*Ogbe: Saxwe*

*Language: Saxwè (Benin)*

*ISBN: 978-94-93178-89-2*